



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Thesavrvs Casvum Conscientiæ**

Continens Praxim exactissimam De Censvris Ecclesiasticis, Aliisque Poenis, & Canonicis impedimentis, in Septem Libros distributus ...

Decisiones Casvum Conscientiæ Ex Doctrina Consiliorvm Martini Ab Azpilcveta Doctoris Nauarri collectæ, & iuxta librorum iuris Canonici dispositionem in suos Titulos distributæ

**Sayer, Gregory**

**Venetiis, 1627**

Titvlvs XIX. De successionibus ab intestato.

**urn:nbn:de:hbz:466:1-13903**

si conuentus, in quem ingreditur, ita validum censetur & morte ciuili, professionis confirmatur, vt hæres institutus statim post professionem, capere poterit possessionem bonorum, ad quæ institutus fuit, non expectata morte naturali testantis, & profitentis, Couar. cap. 2. d. c. 6. nec villo modo post professionem testamentum factum reuocari potest.

## DECISIO XIII.

Ex cons. 13. & 14. alias 9. & 8.

**L**ect annuum legatum factum fratribus minoribus non valet, etiam ad hoc vt vendatur, & estimatio in necessitatibus imminuentibus impendatur, cum predicti fratres neque domum, vel prædium, cum pacto, vt ea locent, vel colant, accipere possint, Cle. exiuit. S. porro. de verb. signific. & c. exijt. tit. eod. in 6. eo quod annuos redditus habere prohibentur: quia tamen aliud est ecclesia, & fabrica eius, & aliud capitulum, seu conuentus, qui eam tenet, gubernat, & regit: per exemptionem, de priuileg. in 6. & arg. c. si ciuitas, de sent. ex comm. in 6. annuus redditus promissus, vel legatus Monasterio minorum pro fabrica, candelis, vino, oleo, & vestimentis ad Missarum celebrationem validus est, nec iure canonico, d. Clem. exiuit. aut sancti Francisci regula prohibetur: eo quod nihil exinde conuentui, aut vili ex fratribus conceditur, sed soli ecclesie, & pijs vtilibus illius, nec eorum paupertati inconuenit, vt ecclesie annuos redditus habeant.

## DECISIO XIV.

Ex cons. 1. in Nouis, deest in antiquis.

**Q**uamuis testamentum etiam a parochio scriptum, & sola testatoris manu subscriptum, sine testibus, in foro exteriori non valeat, quicquid tamen sic possiderit, in conscientia in foro interiori retineri potest.

## DECISIO XV.

Ex consil. 2. in Nouis, deest in antiq.

**B**eneficiarius hæres a patre institutus, si fecit inuentarium, debita, vel legata ei a patre mandata extra vires hæreditatis, ex fructibus beneficii solvere non tenetur, sed ad id tenentur alij hæreditatem habentes, immo nec volens potest ex beneficii sui fructibus ea solvere, nisi iudicet solutio directè, vel indirectè saltem opus pium iudicetur.

## DECISIO XVI.

Ex cons. 4. & 5. sine eadem, desunt in antiq.

**C**um Extrauagans Pij V. Extrau. in c. quæ ordini ecclesie, const. 120. in ordine, ea solum priuilegia reuocet, quæ vel a se, vel ab aliquot suis antecessoribus in particulari concessa fuerant ad disponendum de quibuscunque bonis inter viuos per donationes, vel in morte per vltimas voluntates, ideo non obstante reuocatione prefatarum facultatum, quæ sunt priuilegia, & gratiæ particulares, possunt clerici, & quicumque alij donare inter viuos, & relinquere in vltima voluntate nepotibus, aut fratribus: aut filijs suis illegitimis si vere pauperes sint, non solum bona sua patrimonialia, aut quasi patrimonialia, hoc est, per suum laborem, & industriam, sed etiam inueniu ecclesie acquisita, sicut antea de iure communi potuissent, argum. cum haberes, de eo qui dux. in matrim. quam poll. per adult.

## DECISIO XVII.

Ex cons. 11. in Nouis deest in antiq.

**L**egatum, quo mandatur hæredi vt singulis annis detur vni aliquid certum nullum tempus certum assignando non solum censetur perpetuum, si fiat loco pign. arg. l. annua. ff. de annuis legat. sed etiam si mandatur aliquid fieri tacite in memoriam, & honorem familie suæ, quod non posset assequi, nisi legatum esset perpetuum.

## TITVLVS XIX.

## De successione ab intestato.

## SUMMARIVM.

- 1 Filij ex damnato coitu nati parentibus non succedunt, nec contra.
- 2 Mutuarius pecunias a beneficiato clerico in curia decedente acceptas, illius hæredibus, & non camera restituere tenetur.
- 3 Clericus simplex omnia negotia, quæ laicus gerere potest, & sic bona sua non sunt spolia.
- 4 Extrauagans Iulij III. quod debita beneficiarij non soluantur de fructibus non exactis, vt intelligenda.
- 5 Bona alienare prohibito, quando succedit fiscus.
- 6 Fructus beneficij a solo separati, cui debentur.

## DECISIO I.

Ex consil. 1. alias 2.

**S**icut filij Spurijs ex damnato coitu natis non succedunt parentes, neque contraio parentibus filij Spurijs, Auth. quib. mod. nat. e. sic. l. i. §. illud collat. 7. & Pan. in cap. tanta, qui filij sint legit. ita neque fratres fratribus Spurijs ex damnato coitu natis succedere possunt, dummodo ab habente potestatem non sint legitimati.

## DECISIO II.

Ex cons. 2. alias 3.

**M**utuarius pecunias a clerico beneficiato in curia decedente ab intestato acceptas, illius hæredibus, & non camera Apostolice restituere tenetur, um hæres, & non camera clerico in curia mortuo succedat, ex Bulla Iulij III. cupient. s. const. 3. Auth. de hæred. ab intest. collat. 9. & post debitam diligentiam adhibitam non inuenito hærede, illas parentibus defuncti, aut illis c. sanctis, proximioribus in gradu, deductis impensis in inquir. edo. factis restituere tenetur, nec sufficit illas pauperibus, vel pijs locis restituere, nisi casu quo hæres, aut parentes eius non inueniri possunt, c. cum tut. adiuncta gl. de vsu.

## DECISIO III.

Ex cons. 3. alias 5.

**C**lericus simplex, nondum ordine sacro initiatus, & beneficio carens, omnia negotia, quæ laicus, sine peccato exercere potest. Pan. in c. 1. & 2. de post. & Nau. in Man. c. 25. num. 210. Nec ab intestato motiens, bona eius tanquam spolia a Commissario sp. liorum pro Camera Apostolica capi possunt.

## DECISIO IV.

Ex cons. 4. in vtrisque.

**B**eneficiarius in terris, vbi tantum semel Collector Apostolicus positus fuit, obiens mortem, multa debita, & multos fructus sui beneficii in exacta relinquens, non obstantibus duabus constitutionibus Iulij III. quarum vna mense Iunio, altera mense Augusto anni 1550. publicata fuit & in quibus statuit, ne soluerentur debita beneficiarij contracta, neque legata pia tempore infirmitatis facta ex redditibus nondum exactis: per alteram tertiam prefati Iulij Extrauagantem publicatam anni 1551. mense Iunio, habentur omnes in Constitut. 9. quæ in ip. Cum sicut, quæ duas illas priores limitat, ne habeat locum in terris, vbi non conuenerunt a sancta Sede Apostolica poni collectores ex eisdem redditibus beneficii nondum exactis, creditoibus suis per designatos hæredes satisfacere potest, cum extrauagans vltima verba in numero plurali concipiuntur & pluralis locutio saltem duo requirit: c. pluralis, de regul. in 6. nec aliquid consuetum, aut solitum dici potest quod saltem bis factum non fuerit: l. 3. C. de episc. aud. & Dec. in rub. de consuetud. & proinde vbi semel tantum collector positus fuerit, aut vnus in vno collectore in loco vel promincia, & Regno admittitur, constitutionem suam Papa valere noluit: quominus beneficiarij debita de fructibus non exactis solui possint.

D E.

## DECISIO V.

*Ex conf. 6. in Nouis, deest in antiquis.*

- 5 **C**Vi bona sua alienare prohibuit, et si ob delictum aliquod commissum damnatus sit, fideus nec in vita delinquentis, nec postea in predictis bonis succedere potest. l. Statius. ff. de iure fidei.

## DECISIO VI.

*Ex conf. 8. in Nouis, deest in antiquis.*

- 6 **F**ructus beneficiorum a solo separati, etiam non exacti, de iure ad beneficiarium spectant, vel ad legitimos eius heredes (quales in foro conscientie non sunt diuites aut qui in utroque foro legitimi non sunt.) Extrau. Pij V. in c. Quæ ordini. Nec de eis Episcopus disponere valet.

## TITVLVS XX.

## De Sepulturis.

## SYMMARIVM.

- 1 **P**ater, quare testamentum pro filio impubere facere potest, non autem sepulturam eligere.
- 2 **S**epulturæ locus sine causa & solemnitate concedi non debet.
- 3 **E**xcommunicatus, licet signa ante mortem contritionis ostendat, non est tamen in loco sacro ante absolutionem sepeliendus.
- 4 **M**eretrice noctu ab amico occisa, non presumitur meretricando occisa, nec sepultura priuanda.
- 5 **C**orpora & reliquie sanctorum quænam de vno ad alium locum transferri possunt.
- 6 **S**epeliri in sacro omnis Christianus debet mortuus inuentus, nisi se ipsum occidisse constet.
- 7 **E**xcommunicatus denunciatus, in articulo mortis absolutus in sacro sepeliri potest.

## DECISIO I.

*Ex conf. 1. alias 2.*

- 1 **P**ater, licet filio impubere testamentum facere, c. si pater de testam. in 6. & illi etiam in bonis maternis subsistere possit, l. 1. ff. de vulg. & impensas eius funerales facere tenetur; l. filius. ff. de in rem. eo quod hæc tria temporalia sunt: sepulturam tamen sibi soli, & non filio impubere eligere valet, c. licet. de sepul. in 6. Quia sepulturæ electio spirituale quidam est: ad spiritualia vero filij, sicut ad temporalia eiusdem, patria potestas non extenditur, c. Si annum de iud. in 6.

## DECISIO II.

*Ex conf. 2. alias 1.*

- 2 **C**um factæ rei Dominum nullus habere possit; licet stipulantem. S. factum. ff. de verb. oblig. locus sepulturæ nemini concedi potest, ita ut Dominus eius sit, sed neq; alicui sine auctoritate Episcopi, aut cum illa sine iusta causa, & solemnitate, sepulturæ locus concedi debet; ita ut habeat ius sepeliendi in eo mortuos suos, & impediendi, ne alij ibi sepeliantur: Quia licet per talem concessionem dominium rei non transferatur, transferitur tamen usus eius, & ius quoddam sepeliendi, quod nisi seruari canonibus de non alienandis rebus ecclesiæ, c. sine exceptione. 12. q. 2. c. nulli, de reb. eccl. nō alie. fieri nequit. A quolibet tamen habere liberam sepulturam, vel ius admittendi ad sepulturam in sua ecclesia, ex iure communi sine priuilegio, aut licentia Episcopi, concedi facultas simpliciter potest ut quis in tali loco sepeliatur, c. Absolenda, de sepul. & clem. dudum. S. huiusmodi. tit. cod.

## DECISIO III.

*Ex conf. 3. alias 4.*

- 3 **E**xcommunicatus propter debitum ex delicto descendens, vel contractu mortuus, licet ante mortem signa contritionis ostendat, in loco tamen sacro sepeliendus

non est anrequam absoluitur ab eo, a quo factus est solutus debebat, c. a nobis 2. de sent. ex. & c. si. de sep. ex Nau. in Man. c. 26. nu. 31 & si in articulo mortis a confessario absoluitur, & in loco sacro sepeliatur, non est es humanandus, cogi tamen possunt hæc res eius ad debita soluendum.

## DECISIO IV.

*Ex conf. 4. alias 6.*

- 4 **M**eretrice, quæ in paschate confessæ est, & communi-  
cauit, si nocte ab amico in domo amici occisa reperitur, nullo pacto constare potest, quod mortua fuerit contrita, vel contritionis signa dederit, eo quod nocte occisa sit, & clauso ostio: certum tamen firmiter ab amico suo iugulatam esse, in loco sacro sepelienda est: eo quod cum non constet de mente, qua amicus illam in domum suam duxerit, & verisimiliter credi possit illam duxisse ad meretricandum, si non occidisset eam; Quia tamen occidit, verisimiliter credi potest deduxisse illam ad lumendâ vindictam de aliqua iniuria, quam putabat iuste, vel iniuste sibi factam fuisse, & forte denegando ei ad se ingressum, ita ut probabiliter credi possit non fuisse mortuam in meretricando, sed alia de causa, cuius forte illi in penituit; præsertim cum credi probabiliter possit eam penitentiam esse letum & alia contritionis signa dedisse, dum ferro appetere tur, quæ sufficienter ad exhibendam sepulturam in loco sacro, dum non constet de contrario, c. a nobis 2. de sent. ex. com. Sed præterea occisores communiter præmonere solent decidendos, ut se Deo commendent, & de peccatis suis doleant, ut exinde etiam contritam mortuam esse meretricem præsertim probabiliter credi possit.

## DECISIO V.

*Ex conf. 5. alias 9.*

- 5 **C**orpora, & reliquie sanctorum, quæ perpetuè sepulturæ traduntur, nec de vna ecclesia ad alteram, nec de vno loco Ecclesiæ ad alium eiusdem Ecclesiæ locum c. corpora. de consecr. d. 1. l. Nec dum. C. de reli. & sump. fune. sine legitima auctoritate mutari, aut transferri possunt: Ideoque nec reliquie, & partes sanctorum quæ sunt legitime altaribus ad illorum consecrationem incluse, sine licentia de illis ad alia mutari queunt, eo quod altari illi perpetuo sunt incluse; quæ vero sepulturæ perpetuè non sunt tradite, sed extra sepulturam in Sacratio, vel alijs locis manent, aliunde ad processionem, vel Missas, vel alias deuotiones sine licentia transferri possunt.

## DECISIO VI.

*Ex conf. 6. alias 7.*

- 6 **C**hristianus manè confessus, & a confessario absolutus, si die sequenti mortuus in cubiculo, ostio clauso, & habens laqueum ex collo pendentem, ipse tamen nec pender, nec omnino iacet, sed quasi genuflexus; inuentus sit: His non obstantibus in loco sacro sepeliri debet, nisi seipsum occidisse constet; Glo. in c. ex parte 2. de sepul. & in dubio non est presumendum de aliquo delictum & 2. de reg. iur. Couar. lib. 2. var. resolu. c. 1. nu. 11. præsertim tam græde, & humanæ inclinationi repugnans, & maxime de nuper confesso, absoluto, & communicato. Unde & mulier cadens de cymba in fluium in loco sacro sepeliri iubetur, etiam si fugiendū occidisset, quia non præsumitur voluntariè ad se occidendum decessisset, c. ex parte 2. de sepul.

## DECISIO VII.

*Ex conf. 5. in Nouis, deest in antiquis.*

- 7 **Q**ui excommunicatus aut interdictus denunciatus est, si tamen in articulo mortis a parocho, vel aliquo sacerdote simplici, absoluitur, sicut iure antiquo, c. si. de sepul. ita etiam post Concilium Tridentinum sess. 14. c. 7. sine peccato in loco sacro sepeliri, & alijs ecclesiæ suffragijs iuari potest.